

• sawcuenh •

Gyaepgaemh

□ Yiz Ciz / 余执

Vihliux haidin okbae couh aeundaej swnhleih, 110 siujcuj bing faen sam loh: Loh ndeu 10 boux bae gaen Liuzcaet, bungz daengz couh senq gaemh vunz hwnjdaej, mbouj hawj de bae gya. Loh ndeu 25 boux daengz B gunghsw hae gwn youq, ngoenzhwnz caz gij soq B gunghsw; loh ndeu 15 boux daengz daengx guek gak dieg bae caeuq gij vunz bang B gunghsw gai lijhozginh cazra baengz-gawq.

Liuzcaet diegcoj dwg Gvangj-dungh C si, ndaek vunz neix gig yiucing, daj miz vunz daej daengz B gunghsw caz soq seizhaenx hwnj, de couh rox gungh'anh caeuq suivu yaek daej ra de aeu saeh lo, de lienz hwnz ndoj deuz, mbouj raen ngauez lo.

Bihaenx 12 nyied 19 hauh, daih'it loh 110 siujcuj haidin bae rog sengj, daengz diegcoj Liuzcaet bae ra vunz, Liuzcaet miz saeh youq ndang, mbouj gamj iet hoz, de vunz dauq daengz diegcoj, couh dangq duzuguk dauq cuengq haeuj ndaw ndoeng, de baengh sw hgeij diegsug, dieg neix youq geij ngoenz, giz-haenx ninz geij haemh, noix haeuj noix ok, gyoengq 110 siujcuj faenbied youq ranz mehyah de, ranz goengda de, ranz bohme de caeuq ranz daegnuengx de demq le seiq ngoenz seiq hwnz, mbouj raen ngauez Liuzcaet. Gyoengq gingjaz nyinhnaez: Caiq yienghneix demq roengzbae hix mbouj dwg banhfap, gyoengqde gietdingh mbangj vunz laebdaeb demq Liuzcaet, mbangj vunz okbae caz gij saeh gij vunz caeuq Liuzcaet mizgven haenx.

Aen banhfap neix caen ndei, mbouj geij nanz, miz minzgingj caz rox, Liuzcaet youq gwnzhaw miz dah youx ndeu, de doenghbaez baedauq cungj noix mbouj ndaej daej daengz ranz dahyoux gwn ninz geij ngoenz, ndaej aen siusik neix le, 110 siujcuj fan dauq henz ranz dahyoux Liuzcaet maeuq dwk.

Aen ranz dahyoux Liuzcaet dwg aen ranz dog, seiqmienh humx miz ciengz sang, sam gan gvangq haj caengz sang, ranz seiqhenz faex hung faex iq raemhrwgrwg.

Song ngoenz song hwnz gvaqbae, aen ranz neix mbouj miz saek boux vunz haeujok, ngoenz daihsam ranz yaek rongh seiz, dingqnyi miz sing haidou, gij minzgingj maeuq youq giz gyawj haenx yawjraen doiq bouxmbwk bousai ndeu byaij okdaej, gyoengqde song boux fwngz gaem fwngz coh aen ci baujmaj ndeu byaij bae, minzgingj yawj ndaej ok, bousai haenx couhdwg Liuzcaet. Couh yienghneix, ngoenzhaenx Liuzcaet couh deng gaemh dauq A si.

Gaemhdawz Liuzcaet le, gyoengq minzgingj couh saemj de, Liuzcaet mbouj nyinh coih, de nauez: "Cibgeij bi neix gou youq A si, bibi gyau geij cien fanh maenz ngaenz suiq, sou mbouj dwg mbouj rox, gou cij miz lai gyau suiq, mbouj miz yaem suiq, sou yienghneix mbouj miz baengzgaewq couh gaemh vunz, gou aeu gauq sou cij ndaej."

Gyoengq minzgingj cuj daihngaih daej daengz B gunghsw, dawz cwnngen okdaej ndenq hawj boux dawz bakdou haenx yawj le, cigsoh byaij haeuj caizvugoh bae, seizneix caizvugoh cij miz bouxmbwk bousai song boux yenzgungh, gyoengqde gak boux gak hwnj vangj dwkbaiz guhcaemz, mbouj raen gyoengqde guh maz hong, minzgingj heuh gyoengqde dawz gij caizvu gunghsw okdaej yawjyawj, song boux yenzgungh cungj ndwn hwnjdaej heuh minzgingj gag caz. Mizmbangj minzgingj daj hai dennauj caz, mizmbangj minzgingj fan sieng biengj gvih caz, daihgya caz le buenq ngoenz, fatyienh gij biuq ok huq, biuq gvaq caengh, biuq gai huq B gunghsw cungj mbouj raen lo, minzgingj youh daengz sam laeuz caizvusiz bae genjcaz, sam laeuz caizvusiz miz caet aen dennauj, minzgingj nyaenj hai dennauj, fatyienh gij dennauj neix cungj mbouj miz yingbanz caeuq fuzvugi. Heuh song boux yenzgungh daej cam, yenzgungh nauez: "Yingbanz caeuq fuzvugi gaenq deng bouxlawz cek bae lo, duenh seizgan neix cungj mbouj ndaej guhhong."

Sam. Riengz Gaeu Mo Gva Ra Baengzgaewq Dennauj Yingbanz Laeh Dawz Dauq

"Sienq" goenq lo, baenzlawz guh ni? Gyoengq cwnghcazyenz laeglemx doxyaeng, gietdingh ra caizvu ginghlij Siuhroek daej cam vah. Siuhroek hix dwg vunz Guengjdoeng, samcib lai bi, vunz sang ndang byom, aen naj

baihsuix laj goek rwz miz aen rei ndeu, gwnz rei hwnj miz geij geu bwn. Minzgingj cam vah, Siuhroek haep bak mbouj gangj, song baih doxmuz ngoenz lai, duicangj Liu Gen raen saehcingz hoj guh, nyinhnaeuz yienghneix roengzbae ngu h seizgan lai, gietdingh senq dawz Siuhroek gaemh daengz gungh'angiz bae gyaeng gonq. Caen dwg mbouj raen guencaiz mbouj lae raemxda, daengz gungh'anhgiz le, Siuhroek rox-nyinh saehcingz mbouj ndei, nyinh lo.

Laxlawz, bi gonq ngoenz he gunghsw dungjswcangj Liuzcaet heuh Siuhroek daej daengz bangunhsiz, nauez de: "Mwngz ganjvaiq heuh geij boux yenzgungh daej, dawz gij soqmoeg sw hliu gunghsw cibgeij bi gvaqdaej haeuj cug ndei buen daengz gizwnq bae yo."

Siuhroek ciep ndaej vah Liuzcaet, lienz hwnz heuh geij boux yenzgungh daej, lumj guhcaeg nei muengzfoegfoeg dwk dawz gij soqmoeg sw hliu ndaw caizvusiz cang sieng, youh lienz hwnz dawz bak lai sieng soqmoeg caizliu cang daengz gwnz gyaq ci he bae.

Ngoenzlaeng, Siuhroek daengq sw hgi Vangzsaem dawz ci doxgaiq neix rag bae daengz Gvangjdungh C si gyau hawj Mungzseiq. Mungzseiq sou ndaej "doxgaiq" le, rag daengz ranz daxboh Liuzcaet bae yo.

Bilaeng 1 nyied 13 hauh banhaemh, Mungzseiq rox gunghsw dungjswcangj aenvih yaem suiq gaenq deng gaemh bae gungh'anhgiz, Mungzseiq rox saeh mbouj ndei lo, lienz hwnz ganj bae Gvangjdungh C si, gag guhcawj dawz gij soqmoeg caizliu B gunghsw yo youq ranz daxboh Liuzcaet rag faenh he okdaej, hai feiz coemh bae.

Ndwencieng ngamq gvaq, haj boux minzgingj couh daengz Gvangj-dungh bae ra Mungzseiq, Mungzseiq ndoj neix ndoj haenx, cigdaengz ndwengeih, Mungzseiq cij deng gaemh dauq B gunghsw.

Vunz gaemh ndaej dauq lo, soqmoeg caizliu cij raen faenh ndeu, yienghneix aen anq neix hix mbouj ndaej caz roengzbae, baenzlawz guh ni? 110 siujcuj nyinhnaeuz: Caensaed soqmoeg caizliu ra mbouj dauq mbouj youqgaenj, ra ndaej dauq dennauj yingbanz hix miz banhfap.

Minzgingj caiq dawz Siuhroek daej saemj. Siuhroek nyinh nauez:

Ngoenz ndeu, Siuhroek ciep ndaej Liuzcaet dienhvah, Liuzcaet heuh de vaiq dawz gij yingbanz ndaw gunghsw gaenq cek roengzdaej buen okbae yo. Ngoenzde banhaemh, sw hgi Vangzsaem couh dawz yingbanz rag daengz ranz dahcej de bae yo. Gvaq song ngoenz, Vangzsaem roxnyinh

yingbanz yo youq ranz dahcej mbouj daiq onj, youh buen daengz ranzcoj lajmbanj de bae cuengq.

Ndaej aen siusik neix le, gyoengq minzgingj daej daengz ranzcoj lajmbanj Vangzsaem, daj laj sangz Vangzsaem ra ndaej cibhaj gep dennauj yingbanz okdaej.

Seiq. Dennauj Yingbanz Raen Caen Soq Gag Ndaek Vunzfamh Cungj Nyinh Coih

Dennauj yingbanz laeh ndaej dauq lo, gyoengq cinghcazyenz mbouj gamj yietnaiq, vaiqdi vaiqdangq caeuq ndaw si soqgawq gamqdingh cungsim lienzhaeh, heuh gyoengq conghyah dawz gij soqgawq ndaw yingbanz fukhoiz okdaej.

Aen gunghsw baenzneix hung, geijcib bi soqgawq, naemj cienzbouh fukhoiz gvaqdaej mbouj yungzheih, si soqgawq gamqdingh cungsim haj boux conghyah caeuq geij boux gisuzyenz ngoenz hwnz mbouj dingz loengh gij yingbanz neix, binq okdaej couh miz cibgeij sieng.

Minzgingj heuh Siuhroek daej nyinh gij soqgawq neix, Siuhroek nauez: "Gij soqgawq neix, couhdwg soqgawq swngheanj, gaicawx cibgeij bi B gunghsw, caemh miz sam diuz lohsoq: Diuz ndeu dwg caensaed soqgawq gunghsw; diuz ndeu dwg guh dinfwnz gemjnoix gvaq, yienghneix guh couhdwg vihliux noix gyau suiq; diuz ndeu guh dinfwnz gya lai gvaq, yienghneix guh couhdwg vihliux yaeuh ngaenzhangz lai aeu daigvanj.

Siuhroek nyinhnaeuz, daj bi x ndwen x daengz bi x ndwen x ndawde, B gunghsw yaem suiq 41767043.15 maenz, miz baengz miz gawq, miz doxgaiq miz soqmoeg, Liuzcaet mbouj ndaej mbouj ngaem gyauej nyinhcoih lo, gaengawq mizgven gvidingh, B gunghsw gaenq dwg coihyaemsuiq, Liuzcaet, Siuhroek, Lijhaj, Mungzseiq, Vangzsaem daengj bet boux gaenq famhfap.....

(2 sat)